

Diewyl dann disere misshellung entstanden unnd erwachsen, us dem unglychen verstand, des vor Jaren zwüschen Jnen [1604] uffgerichten Libells, unnd das deswegen beide theil glychwol underschydenlich bescheid unnd Erlütterung by wolermanten Ortten gesucht ...⁴

[gez.] Stattschryber [Renward] C y . s a t von Lucern"

- 1) s. EA V 2, 371 (Nr. 314) 2) Jahresangabe fehlt
 3) s. diese SSRQ Zug I, 410 Nr. 623
 4) Den weiteren Text s. sinngemäss ebenda 412 Zeile 7 - 413 Zeile 4

Kopie - AH 73, 153-155 - Blatt 154 und 155^r leer

[1557]

A

ERKLAERUNG [VON STADT UND AMT ZUG AUF DEN VORTRAG VON NUNTIUS OTTAVIANO DELLA ROVERE]¹

"Uff gethonen fürtrag zuo Zug von wägen Bapstl. Heyligkeit [P a u l IV.] und helgen Collegio, Herren Byschoffen von Terracina [Ottaviano della Revere, Nuntius bei den kath. Orten], geburtte sich woll an Jme gschryfftlich frintlich uff dise gstalt zuo antwurten.

Das Amman und rhätt zuo Zugen ab sölichem von im gethanen fürtrag zuo entschuldigen sin Heyligkeit ein wollgfallen und gnugsam vernügen entpfanggen habind.

Aber ab den unbillicheyttten syner underthanen, eydtspflichttigen die sich ... unghorsam und wyderspännig gmacht, und an die keysserischen [F e r d i n a n d I.] zuo krieggen an ghengckt, dardurch syn Heyligkeit veracht Jren und dem heiligen Stuoll gross unruow schaden und schmach zuo gfügt. Darab sy ein sonder gross myssfallen habind, syge Jnen auch vast vil in allen trüwen leyd.

So sy ervordert und Begärt werden, hylff und bystand zethund, sölichs alles helfen, nach Jrem vermögen fürzukon, gmälte ding und schaden zu wänden, wälttind sy sich als ghorsamme underthänige Sun, unverzogenlich gneygt und guottwillig mit lyb und guott erzeygt haben.

Von wägen dero vil grossen eeren, So Jren vorälttren, auch inen von uraltem hero von Bäpsten und Helgen Stuoll, es syg mit begabunggen, mengger frygheyten, Pannernzeychen, Syglen, auch die ... syner Heyligkeit und vorfarenden

Bäpsten eygnen personen ir gut hab und den Helgen Stuoll zuo bewaren zuo warden angnon und andre gutthetten mer Bewysen, darzuo sovil lob, wollachtung und Eerlichen Nammen der kilchen frygheitten Beschirmeren Jre altvordern, in Jren diensten zuo wollfartht des Helgen Stuols davon erlangt. Darum sy syner Heyligkeit hohen underthänigist danck sagend, Sömliche gutthetten by Jnen in Eewygkeyt unvergässen plyben söllind.

Syn Heyligkeit, Das Heylig [Kardinals-]Collegiumb, und ir F.G. kein anders glouben söllind, den sömlichs alles, um sy, insonderheyt gneygt willig sygind zuo verdienen, und ob sy in künfftigen Zyten ervordert würdind syn Heyligkeit den Helgen Stuoll und Christenlich kylchen mit ir hylff zuo Schützen und schirmen, wölttind sy mit iren lyben, pluott und quott sich nytt wäniger von quottem Hertzzen finden lassen als Jre altvorderen auch thon habend und Jeder Zyt als ghorsam underthänig Sun sich gegen Jnen erzeygen.

Dan sy woll betrachtten könnindt, keynnem andern noch Christenlicher geystlicher ghorsamkeyt mee schuldig zessin, den unserem allerheyiligsten Vatter dem Bapst, dem Helgen Römischen Stuoll und Christenlichen kylchen, Syge auch offenbar das sy in allen pundtnussen mit was fürsten oder andern uffgricht, wär die sygind, Sy die gemelthen yeder Zyt vorbehalten habind.

Jst ouch war und kund Das in vorigem verschynnen Jar², im wolffmonat, als sy nur anderen Jren getrüwen lieben Eydtgnossen Christenlicher küniglicher Mayestat us Franckrych [H e i n r i c h II.], ire Knecht in ir Mayestat dienst erloupt, Doch zuo entschütten und zuo hilff zeckon syner Heyligkeit und dem Helgen Stuoll, um ursachen wägen, in gmältem fürtrag, und ... ouch verstanden, und wen syn Mayestat die Jren sampt andern Eydtgnossen nit zuo hilff und zuo entschütten B.H. und den Helgen Stuoll gebrucht hetti, woll zuo Bsorgen gsyn wäri Das villichtter nit etwas uffrüren und gspan zwüschen den Herren den Eydtgnossen und syner Mayestat ervolgt wäri Den sy nit gwöllen, das Jre Knächt bricht würdind, wyder form und vermög der Capittlen der vereynung etc. Aber doch, so wäri Jnen vast und woll angnäm gsin, das syn Heyligkeit und heilig Collegium in Jrem Nammen hettind lassen, von Jnen die Jren sy, zuo entschütten um hylff und in Jre dienst lassen ervordern, Vermeynind auch Jre knächt söllind in keynner andern gstat den zuo hilff und zuo entschütten Bapstl. Heyligkeit und den Helgen Stuoll Jn gnanter königl. Mayestat dienst und die sälb zuo schutzen und schirmen gbrucht wärdin.

Diewyll Nun diser Zyt Jn Nammen Bapstl. Heyligkeit und helger Collegio Jr F.G. wäder Jre noch andere Eydtgnossen Kriegslütt nit Begärt habe, wöllind sy der Zyt erwartten, ob harnacher etwan syn Heyligkeit liessi begären, wärdind sy

als dan mit wissen der andren Jren getrüwen lieben Eydtnossen der andren [kath.] ortten sich wytter entschliessen, Bester gestalt, wie sy darzuo vermeynind fug han, Jnen loblich und erlich mögi syn, nach schuldiger ghorsamkeyt, ungezwuffletter Hoffnung, syn Heyligkeit sich dessi woll vernügen und sy in iren nottwändigen sachen wen sy des gloubens halben unbillich trunggen würdend, des von B.H. und helgen Collegio ouch Stuol, harwyderum geniessen möchttind, als von Jren vättern gegen Jren die muttigen ghorsammen Sunnen unerlassen zesyn".

- 1) Nuntius della Rovere hatte um einen Aufbruch für den Papst nachgesucht. Zug war bereit, diesem zuzustimmen, vgl. EA IV 2, 32 bb bzw. 37 a und 38 a.
2) vgl. ebenda 21 a (Nr. 22)

Kopie - AH 73, 156 und 159 - Blatt 159 leer

60

1604 April 28.

BUENDNIS DER VII KATH. ORTE = XIX AUSG. GL UND SO - MIT MAILAND/
SPANIEN¹

s. EA V 1, 1915 (Beilage Nr. 17) [Stadt und Amt Zug war bei dieser Bündniserneuerung nicht durch K o n r a d III. Zurlauben vertreten.]

- 1) Der Bündnistext trägt hier in AH 73/60 folgende Ueberschrift: "Copi der Artiklen so zu Meyland uf gricht und geschworen So über die Meylandische pundtnus uf gricht actum uf den 12. tag Juni Jm 1604 Jar".

Kopie - AH 73, 157-158

60 A

[1650 v. August 12.]

A

SCHREIBEN [VOM ZUGER STADT- UND AMTSRAT BEAT II. ZURLAUBEN AN DEN SAV. AMBASSADOREN BENOIT II CIZE, BARON DE GRESY]

"En response de la Vostre¹ Je ne Vous celeray pas que ... [Ammann und Rat von Stadt und Amt Zug] ne veulent encores proposer l'affaire devant les haults pouvoirs & Communes [die Gemeindeversammlungen von Aegeri, Menzingen und Baar sowie der Stadt Zug gemeint], auxquels il convient de prendre deliberation sur le faict des Alliances, Veu ... [qu'aucune] ... assemblee accoustumée des